



Caderno da crítica

Cuestionario Proust: Xosé Manuel Eyré

[Ramón Nicolás 11 de xaneiro de 2014](#)

<https://cadernodacritica.wordpress.com/2014/01/11/cuestionario-proust-xose-manuel-eyre/>

1.– Principal trazo do seu carácter?

– A ilusión.

2.– Que calidade aprecia máis nas persoas?

– A sinceridade a bondade.

3.– Que agarda das súas amizades?

– Comprensión a ánimo.

4.– A súa principal eiva?

– É moi doado ilusionarme para emprender proxectos novos.

5.– A súa ocupación favorita?

– Ler/escribir.

6.– O seu ideal de felicidade?

– Que exista a felicidade.

7.– Cal sería a súa maior desgraza?

– Prefiro non nomeala, non vaía ser...

8.– Que lle gustaría ser?

– O que son.

9.– En que país desexaría vivir?

– De non ser na Galiza, no Brasil ou Portugal.

10.– A súa cor favorita?

– Azul.

11. – A flor que máis lle gusta?

– A flor do toxo.

12.– O paxaro que prefire?

– Paporrubio.

13.– A súa devoción na prosa?

– Síntoo, tería que falar de devocións, non son quen de privilexiar unha soa.

14.– E na poesía?

– O mesmo que na anterior.

15.- Un libro?

– Tampouco podo dicir un título só.

16.– Un heroe de ficción?

– Superman.

17.– Unha heroína?

– A muller que, día a día, loita polos seus dereitos.

18.– A súa música favorita?

– Son moi aberto tamén nos gustos musicais. O que non aturo é a música comercial.

19.– Na pintura?

– Picasso.

20.– Un heroe ou heroína na vida real?

– Hainos?

21.– O seu nome favorito?

– Isabel.

22.– Que hábito alleo non soporta?

– A falta de hixiene.

23.– O que máis odia?

– A hipocrisía.

24.– A figura histórica que máis despreza?

– Franco.

25.– Un feito militar que admire?

– Ningún.

26.– Que don natural lle gustaría ter?

– A simpatía.

27.– De que maneira lle gustaría morrer?

– De ningunha.

28.– Cal é o seu estado de ánimo máis habitual?

– Sempre atopo algunha ilusión que tire de min.

29.– Que defectos lle inspiran máis indulxencia?

– A torpeza.

30.– Un lema na súa vida?

– Dime que les e direiche quen/como es.